

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 3157 del 06/11/2021

Traduzione in ladino

Varianta de Cianacei-Ciampedel, la Provincia scouta i besegnes del teritorie

N moment per scutèr i besegnes e vardèr fora na opera de gran emportanza che la comunanza de Fascia la speta da pez. La varianta Cianacei-Ciampedel l'é stat l'argument prinzipèl de la scontrèda, stata alò da la senta de piazza Dante, anter l president de la Provincia autonoma de Trent e i ombolc de la aministrazions de comun enteressèdes, Cianacei e Ciampedel, a chela che à tout pèrt l conseier provinzièl ladin e vizepresident del consei regionèl e di sorastanc provinzièi del Partiment infrastrutures e de Apop-Agenzia provinzièla operes publiches.

Se trata de n nef confront su l'argument, te l'ambit del percors jà en esser, da chel che l'é vegnù fora na condivijion de mascima del percors che l'é stat pissà, per chel che podarà esser vardà fora la proponetes portèdes dant dai teritories. Per ejempie dintornvia l'argument de l'area verda del raion a pra e per portèr inant l'area sportiva.

Da chiò se jirà inant coi studies che l'é de besegn, per ruèr al projet e a sia realisazion. L president l'à confermà che la provincia la é ascorta ai besegnes de la comunanza e a la leta per rejonèr dintornvia chesta proponetes. L'é stat sottrissà amò apede l valor de la cordanza anter teritories per portèr inant chesta opera emportanta, che l'à n cost de 70 milions de euro per la pruma unità funzionèla de l'intervent che l'é spartì te doi pèrts.

(cdt)